

mudawilr mukuwa muzazangiya

“ inta na trau palru kana minatray ’azi ta ziya pakalrang mupatrran mudawilr muzazangi, nanta ikavavaaw mu iniyan za trima’. ” kema marengay na trau. nu mudawilr ta mukuwa muzazangiya mu, pakasaazu za ta inaana’u zata kiningeran.

nu mudawilr ta muzazangi kararuwa ta kazu i Taiwan muzazangi, maruwa ta mupatrran kana zuma na datal.

nu kazu ta i Taiwan mu, ulra na trau pakakawang kana palizing mukuwa muzazangiya, ulra na trau mui tras kana otobay, na cidinsiya mukuwa muzangizangiya. nu kazu ta i Taiwan mu, miturus zata anger mukuwa kananta awayan kemakawakawang mena’una’u. ma’izang lra tu ’ami na trau mu, kurelrang kana lepun mui tras kana yuranbas mukuwa muzangiya, i kanta i Taiwan sazu na marekamelrimelri na zekalr nantu kinuwakuwa mingadan na kivangaavangan zi maw na tu vinilin na kinawatrawatranan na eman ziya. izu na yuranbas na vulavulayan mu, sazu atu kinazalram, zi sayhu marengay pakazalram za trau, tu pakazalramay ta kanizu na ’azi ninta tinakesiyan, tu kiniramiyan ini nanta kinivangavangan, zi nantu pinakapazangal nantu pinivavuwa’an izu na akanen na vuwa’. maresayhu kanizu na sinsi kana panaanadam kanizu na pinidare’an zi maw na kakuwayan na kinawatranan. nu kazu ta i Taiwan muzazangi mu, salaw ta lralriwasay, parazuk ta saeman za paysu mu kararuwa ta mukuwa. maw mu, milralrang ta kararuwa ta marepana’una’u.

kanini na pida ’ami mu, i Tayliyok zi i Taiwan mu karuwa ta lra karamukuwa kivanavanga. kana wariwari ziyan mu, kazuwan na trau karamukuwa i Tailiyok, mupana i Taiwan, maw izu na kivanavangan na kiyakarunan mu makamaresemak. zi iyaiyan ziya mu, na akanen lra, na kavang lra na kaazuwan lra zi na kakawangan lra, na kasemaangalan lra mu, ulra nantu kirekamelrimelri. ’azi ta kemaazu parepakuwa kananta ikiyavaaw, kitulud ta kana tu kakuwayanan nantaw ikavavaaw. ta aya’aw melak izu natu ’inavayan zi ta asalraw ta ikakuda.

nu mukuwa ta muzaazangiya kana salaw musalrahaw zi salaw munganguwayan na zekalr mu, kamawan ta za mukuwa i rukup kana zekalr; nu mukuwa ta kanizu na matengaatedged kamawan ta za mukuwa ta kana ’aremeremeng kana kakaukauz. inta lra mu mazalram ta lra na salrahawan salaw pazangal. nu kazu ta kana matrengatenged na zekalr mu silrevang ta za uri kudaakuda ta.

nu sahar ta muiyaiyan muzazangi kana zekalr mu, izu nanta a’iyar mu ta parpauwayaw. nu upatratrran ta kana zuma na zekalr mu inganguwayan ta mukuwa kipuvalraya. ta adain mukuwa muzazangiya mu, ta kaatralraw ta inada. dalikedik ata zazek, semangal ata piniangeran zi marengay kanta rinuma’enan mupatrran ta. zi nu mukuwa ta lra muzazangiya mu, nu mena’u ta kana vulay na inudawayan ta sasingaw ta vavalrayay. nu ulra ziya ta sama’ ta de’er mu tremima’ ta kana pararedek kana ta wadadiyan. ta kazalramaw na ’azi maresaresan na datal mu ulra tu kuret, ata pasasalaw marengay zi kemudakuda.

nu ulra nu paysu zi ulra nu wari mu, kararuwa u kemuret zanu awayan muzazangizangi. ini na wazazangiyan mu, kamawan za takakesiyan. maw izu na temakesi kana rakaz mu, nu pulaludus kana tu tinakakesiyan mukuwa muzazangiya parasan. “ nu temakesikesi ta lra za sazu za valray, ’azi kamawan nu mukuwa ta makalranga. ”

105 年全國語文競賽原住民族語朗讀【知本卑南語】 高中學生組 編號 1 號
旅行

一個人終其一生如果都沒出去旅行過，人們會說他活得沒有價值。旅行使人增加見聞，開闊視野。旅行可以在國內旅遊，也可以出國旅行。

在國內有人自己開車去旅行，有人騎機車或騎單車旅行。年紀大的人跟團坐遊覽車旅行是很普遍的方式。在國內自由行可以到自己嚮往的地方走走看看，國內有許多各縣市的名勝地和古蹟，遊覽車的小姐很多是經驗豐富的解說員，她們會介紹一些我們在書裡沒讀過的地名由來，各地的特產，比史地老師說得還清楚。在國內旅遊很方便，只要準備一些錢就可以成行，但最好有同伴可以互相照應。

這幾年兩岸開放，台灣和大陸兩地每天都有很多旅人往來，使觀光的事業蓬勃起來，每個地方不管在食、衣、住、行、育、樂各方面都會有特色，我們不宜拿來和自己生活的地方做比較，而要接納了解他們的生活方式，吸取他們的優點來改進自己。希望好戰者不要挑起戰火，給人們帶來苦難。

出國旅行到和平先進的國家猶如到了天堂；到戰事頻仍的地方會覺得來到地獄一樣。我們就會覺得和平的可貴。可要是到了戰爭的國家，也會感到自身難保，隨時會有危難發生。

喜歡出國旅行的人，旅行前一定會積存足夠的旅遊費用，出國要先辦好出入境的事宜。旅行的裝備以輕便為主。帶著健康的身體、愉快的心情和家人道別出門。旅行時擷取好的畫面或紀錄難忘的事情。如果有餘錢還可為親友帶些紀念品，要記住各國的國情不同，有些國家避諱說什麼或做什麼，我們要尊重不可逾越。

當你有錢又有閒的時候可以計劃去旅行。旅行也是教育，所以高中生畢業前學校會辦一次畢業旅行，「讀萬卷書，不如行萬里路。」